





原件短缺

知三熟雙袖金門擬再遊

上齊太府

康世雄才迥不常
鳳苞燁已著巖廊
一時汗綉推州牧
萬里彤輪泣海方
斗望定知推畫省
鴻名况久擅詞場
金錢滿貯司農帑
寶篆榮裁刺史章
藹藹專城民保障
盈盈五袴漢循良
日臨棠影朱轡麗
春曳桃花彩綬香
路迂檐帷欣翦赤
堂開壁帶羨垂黃
提封水接邪谿舊
抽秘峯連宛委長
徠馬歌會賡孝武
非麟議喜邁齊唐
風流熊軾從誇越
治理漁陽合繼張

瑞草鹿啣分化雨訟庭鶴立對斜陽求賢短褐迎堦
下剖獄青山列案傍八邑載歌烽析聞四郊直訝鼠
狐藏花明犬臥村村月雲煖蠶酣樹樹業仁愛基年
真淡洽宏襟千頃足汪洋濡毫綃素驚虵走奏績龔
黃許鴈行牒下人間傳片紙秋成野外慶斯廂特牛
乳犢全歸珮塵影香颺巧綴囊課士韻高翔白雪服
官操凜勵冰霜文風暢被文身國佳句豪飛佳水鄉
闔郡戴恂今暫借台垣賚弼轉相望式聞槐席需尤
亟爰識金甌卜允臧自惜豐城同劔蟄詎云北海譽
龍驤驩深御李培還渥德厚餐荆報曷償竊向龍門
瞻道範願言三接沐恩光

金伯洪喜畫墨竹索贈得十七韻

癖畫如君稱絕倫閉門終日寫叢筠隄麋香麝研無
數冰繭谿藤掃獨勻塗就萬竿濤忽起臥來幾榦月
從噴案頭颯颯時飛雨筆底蕭蕭不染塵布葉抽枝
皆有韻摩風貌雪總生神醉餘縑素和烟黑淡處瀟
湘弄影真墨色半埋慈母嶺霜姿全壓涓川濱槎牙
片石堪凌夏勾勒新萌喜放春仙子青蛇憐蜿蜿蕭

娘白鳳舞頻頻偶偕松樹成清友無復梅花數道人
千畝貫冑輸亦富一梢出手世爭珍圖開淇澳瞻何
異境入湖州妙已臻客至鬢鬢愁徑造鳥窺獵獵擬
相親悟驚鷓落機行肘續盡鶩谿噴浦唇竹箭自來
推我里襪材今始萃君身幾時寄向雲門壁儻許王
猷作比隣

壽張節推

蓬萊山色鬱交加棘木森森午正衙花綬乍驚迴日
月簿書兼喜領烟霞朱幢皂蓋瞻清况瑞鶴閒琴伴
歲華治獄舊聞羞効鼠好生今每見埋蛇恩流肺石
人知仰秀擷匡嶒世所誇豸府久應虛鐵柱銀灣蚤
已識星槎致君自許心長赤壽國天教鬢未髭庭永
百年餐栢實座逢五月薦冰瓜四時風雨驩咸若終
日樓臺坐孔嘉寶筭預知分帝貺瑤觴先得泛仙芽
羣言申獄生非偶世擬商衡望豈差民物漸和多士
樂佇看天寵渥無涯

悼昔篇挽王宗魯方伯

稽山佳氣鬱巖崑巍望當年獨有公槐里勲名瞻舊

德竹林瀟洒步前蹤文成鰲背春先占書擬蠅頭晚
愈工就養多方循子職致身三命効臣忠雲司乍領
燕山北熊軾旋臨漲海東車出甘霖隨地注郊迎白
叟慶年豐民稱殷厚零陵召帝念賢勞渤海龔廟貌
生能歌粵社口碑蚤已頌蠻童清操雅自盟冰蘖勁
節高堪竝華崧秉臬夷門恩獨渥之屏張楚望逾隆
持籌每折貂璫議擊笏終櫻豸柱雄一疏退歸閒脫
屣九霄遐舉羨飛鴻南來宦橐雙藤笈老去生涯一
竹筇巖壑嬉游偕鹿豕塵埃踪跡混魚龍靈源排荇

先應入絕磴捫蘿上必窮溽暑灌花時抱甕深秋得
句遠貽筒豪聯白社多髦士隱結商山數老翁洩渤
不遺延攬內山川頻拾笑譚中鶴樓勝槩欣陪飲雁
宕奇探嘆未從鸚鵡洲邊容傲骨梅花嶺外想清風
媿維樗遇良師賞感溢砂歸大冶鎔壽域熙熙開永
晝華筵躋躋揖章縫龜臺歌乏裁黃竹兔苑圖蒙寄
白松色笑偶緣南北阻烏魚長藉往來通揮杯白首
傷遲暮擲管青霄報令終夜月一宵薇帳冷春風幾
夕燕梁空流光荏苒驚波逝遺像依稀托夢逢山壞

世誰垂典則蘭摧人爲訴蒼穹日殘馬鬣封坏土雨
後棠梨泣殞宮愁緒風嗟塋草碧淚花繁酒杜鵑紅
最憐風雨過寒食一哭侯芭未許同

坻場集目錄

詩

五言絕句

窻

鶴

燕

薔薇

西施石

題雪松法師精舍

淮上

山中

小善

百尺

大石

中渡

出門

晏起

墮驢

睡鳧

睡雀

睡蝶

睡鷺

睡鶯

睡鶴

睡鴛

睡燕

睡鴿

睡鵲

睡鷗

睡鴨

睡鷹

睡鴈

睡鳥

睡鳩

同吹臺師胡朗初過諸尹鵠小淇園詠松

竹

梧

梅

吹臺成復和松

竹

梧

梅

朗初成再和松

竹

梧

梅

沽酒

卷簾

畫竹

聽齊生彈琴

石帆

茗谿漁隱爲周叔隱四首

坻場集

會稽曾益著

五言絕句

窻

風香咽桂紗樹影溝塍斷妖姬脉脉情鴉啼曙光換

鶴

野鶴寒如人石上行蹶躡刺骨繁梅花紛紛點雫頰

燕

鈎簾風不舉子燕纔通語去去復來來差池棟花雨

薔薇

垂枝自婀娜引蔓忽芳菲
惹蝶紅鬚密鈎衣綠刺肥
西施石

美人亦何往石老蒼苔長
舊時谿邊月今來照石上
題雪松法師精舍

已無人跡到一逕長莓苔
洗鉢羣魚上鬣經獨鶴來
淮上

聞有江南信江梅未作花
春風布帆急一月到寒家
山中

山僧老山中不識山中路
路逢山下人相將上山去

小善

卽惡谿

灑灑白石灘昔惡今云善
水面無數花亦隨谿流轉
百尺

危崖嵌天碧上有仙人蹤
幽鳥啼不歇花木春茸茸
大石

侵晨泛春濤日暮臨孤嶼
活活水聲中不辨沙禽語
中渡

幾欲問漁人間尋渡頭
立無處覓桃花緣源水流急

出門

和風集高原微雨灑平陸十日不出門出門春草綠
晏起

擁被成醉眠下床日剛午花影立中庭雞鳴豆籬下
墮驢

石沒蒼苔高林香栢子落吟典在青山墮驢不自覺
睡鳧

風葦夜蕭蕭花鳧交不語蘭渚芙蓉秋吹落橫塘去
睡雀

雨點分衣潤椒窠擘眼紅不須尋艾壘孤替落梅風
睡蝶

淒迷石竹叢翅粉沾香盡午夢鈎欄西栩栩點粧鬢
睡鷺

擎足銀塘劫影沒菱菰黑驚絲斷冷風閒魚唼蒲出
睡鶯

林花織已殘宮柳眠不起厭厭人間春懶從歌喉徙
睡鶴

歛羽向秋嶼戀戀蘆間巢子毛鍛欲盡暫謝桐君招

睡鴛

頸色塗寒翠衣紋疊淺花雙雙蓮下宿不忍亂汀沙

睡燕

風香窠落泥獵獵胡髯長梨月弔瑋梁單棲羅幙上

睡鴿

春花染輕翰醉眼拋紅纈踏踏鈴無聲飛奴作癭結

睡鵲

高槐墮影寒息羽危巢樹何夕矯秋風再上乘槎路

睡鷗

朱掌寒離離銀毛羣灑灑風落鞦前灘不知沙嘴改

睡鴨

游憇浮光隈荷薰沙氣熱塘水綠油油車茵曉如蕤

睡鷹

爪利養尤銳姿雄靜亦宜軒軒向鞦下寧用學要離

睡鴈

涼月浸團沙江蘆弔衰影宿鴈聲不聞孤雌夜亡警

睡鳥

長林烟欲迷谿岸日將夕霜淒烏柏紅背影寒相炙

睡鳩

紫樾醉且休花裙曉如撒欲雨屋頭間省教啼渴殺
同吹臺師胡朗初過諸尹鵠小淇園詠松

雙松知何年徙倚情自足月上鶴不還閒雲蝕苔綠
竹

君看慈竹叢母笋良不惡人見龍孫高不知竹胎落

梧

高梧碧且鮮露葉洗清曉孑立綺窻前真成青鳳小

梅

老梅饒古姿臥影曲池上綠跗攢疎葩故故雪中放

吹臺成復和松

孤臥山中秋松風落幽戶夜半寒色侵影入飛猿路

竹

蕭蕭愛數竿一室藏竹裏授几有餘清萬戶焉足擬

梧

葉落燈陪青空庭夜深雨幽響襍疎條半入寒蟄語

梅

寂寂幽磻梅肆影同蛇蛰雨雪深亦馨不藉東風力

朗初成再和松

一壑風迴處長松聲暮哀愁驚拔山去怒作卷濤來
竹

雨葉垂垂碧風梢嫋嫋涼虛齋當靜夜細聽語蠻娘
梧

覆井寒欲滴翹空翠如流朝來墮一葉蕭瑟人間秋
梅

封苔榦更蒼埋雪香逾細詎言巖下姿釀成鼎中味
沽酒

寒夜問沽酒主言睡不起月黑村樹深張燈走南市
卷簾

一徑松竹長半月風雨大積書滿匡床幽人卷簾坐
畫竹

箇字寫枝頭梢梢墨欲流胸中有成榦貯得頃餘秋
聽齊生彈琴

松壑生細濤風湍寫幽響襍之琴中聲入耳聽無兩
石帆

峰影醮寒空張帆鏡水中千年吹不去借我石尤風

茗谿漁隱爲周叔隱

迢迢碧浪湖碧浪粘天濶日暮莫垂綸鯉魚風更潑
其二

持竿不釣魚只畫龍與鯉風雨暗中天溟壁波濤起
其三

湖上呼打魚閉戶懶不出潑墨掃霜縑半爲湖上色
其四

秋葉染砂紅茗谿楓亦老爲問畫裏人何似輞川好

坻場集目錄

詩

五言絕句

海南詠物

扶留藤

肉豆蔻

鐵力木

水精團

牛妳子

攀枝花

棠棠果

曩伽結

知風艸

五子樹

高陽薑

御園甘

優曇鉢

鶴膝竹

思靈豆

坻場集

會稽曾益著

五言絕句

海南詠物

扶留藤

實卽

蒟醬

味珍百堪咀扶留性惟酷問漢南海頭曾通夜郎不

肉豆蔻

的的染春酥豆蔻含初雨網縕香不分真成十五女

鐵力木

一名石鹽
堪作几

怪木首石鹽質紋堅逾鐵秋燈夜伊吾躡狐几堪截

水精團

即荔枝
別名

千挺水精團顆顆爭日耀那能一騎來博我妃子笑

牛妳子

一名馬妳
即君遷樹

秋風吹空庭樹影紛如亂葉落子不留牛馬從人喚

攀枝花

即木
絲花

苔面攀枝花狼籍不堪理蠻女織成紋我川裁衫子

棠棠果

一名波羅蜜出南海
廟前其實如瓠大

託根海廟西如瓠結成實按譜得異名喫盡波羅蜜

曩伽結

其味如李
而無核

棠棠甘若李救我暑時渴試起詰王戎那得鑽無核

知風草

土人視以知風
候無節則無風

叢艸生江邊其節疎而透植物爾何知偏能測風候

五子樹

實如梨有五
核治金瘡

結實何纍纍如飴剖清曉核可療金瘡遠勝寄奴艸

高陽薑

古賦南夷之薑
川西用介象事

試搗高陽薑滋味辛于桂我不喜川西喜自南夷餽

御園甘

出羅浮唐玄宗幸蜀德宗幸梁
皆不實僖宗幸蜀實落樹枯

香甘類頗繁茲種偏名御天子一蒙塵實落同敗絮

優曇鉢

似枇杷無
花而有實

異種西域來試嚼甘如蜜銷落笑春花瞿然吐朱實

鶴膝竹

出韶
州

有竹何昂藏潤節同鶴膝數榦客貽來邛杖已堪擲

思靈豆

一名米豆淮南子云味之美者有米豆韓昌黎有南食詩米豆不入

米豆出思靈瑩潔如玉粒空邀淮王知悔不入南食

坻場集目錄

詩

七言絕句

宮詞

豔詞四首

捷詞四首

送楊鴻父之閩

趙醇夫自蜀來貽余蠻牋作

送王伯佐之嶺南

綠珠井

送王却浮之荆門

王澹翁以吳歌博余畫謾成

梳粧樓

和柳元澱漁父詞十八首

秀水縣齋

嘲新妓

朱爾綬以大令洛神賦來示

送張君湛之梧州

與王淡如夜酌

吹臺師索余畫卷許以立石見酬不至詩以促
之五首

不至以詩戲答有爽約語再成五首以促

石至志謝

美人草

張爾弢客燕趙孟遷索書相通走筆賦此

倡家怨

送王君錫之蜀

剪髮爲劉二朝蓮

春日

雪松法師自天台徙居錢唐榜曰小天台作詩
來寄踵和十首

和雪松師小天台十景月下松關

五馬仙宗

蘇公舊業

城連野曙

岸激海潮

平沙銀地

龍潭夜光

懺壇宣梵

竹谿清響

夾道兩岸

抵塲集

會稽曾益著

七言絕句

宮詞

風冷高梧落葉秋
玉堦寂寂看螢流
夜深月挂昭陽殿
分得宮娥一種愁

豔詞四首

春閨香煖靜無譁
鬧掃參差玉燕斜
欲拘櫻桃花白
插暫將銀甲卸琵琶

其二

輕風側側釀微寒一抹春蛾試淺檀妬殺毛家閒畫
史偷描倒暈與人看

其三

試憑浮渲染雛鴉無奈春風掠鬢斜走向小樓掀翠
幙自尋糝匣理菱花

其四

幾摺花裙手熨平金泥百簇綴初成着來閒向瑤階
立粉蝶黐黐只亂驚

捷詞四首

蓆闌春放蕊花初名字喧喧滿帝都細睨如龍復如
霧榜頭黃紙定誰書

其二

春衫試翦不須量風颭輕羅許許長昨夜小鬟閒趁
着賜來渾帶內家香

其三

殿頭高喝首傳臚遞與金尊次第呼皂帽粉鞞丹陛
側下來儻憶酒人扶

其四

六街笙鼓鬧填填
士女爭看繡兩肩
只有春風能擁
護杏花飛蹴馬蹄偏

送楊鴻父之閩

青錢不惜買深叢
十八娘家荔子紅
君去儘堪攜妓
入畫樓只認舊城東

趙醇父自蜀來貽余蠻牋

帶得蠻方十樣牋
箇中偏喜杏紅鮮
醉來塗抹癡肥
字質與當鑪值幾錢

送王伯佐之嶺南

一入番禺且莫論
此中風景異寒暄
好持荷葉包香
飯蜃雨蠻煙過遠村

綠珠井

蒼陰幾斛覆寒渠
知是佳人照影餘
甃石荒涼衰草
白泉流日夜迸明珠

送王却浮之荆門

作客荆門莫浪嗟
長江裊裊一如蛇
朝來高枕清流
望只有輕風吹荻花

王澹翁以吳歌博余畫謾成

白雪鳴鳴歌不停芙蓉亦解弄秋聲從來好調逢難
得一壁應輸十五城

梳粧樓

虹橋宛轉禁新嚴蕭后粧樓點點尖苔色沒堦湖石
泐紅姑娘味正酸甜

和柳元濑漁父詞十八首

鏡湖五月水生涼野篠搏風匝岸長莫道瀟湘多隱
趣東南我合領漁鄉

其二

畫橋風景總堪收架竹披雲百酒樓我亦輸錢沽一
醉夕陽長鎖釣魚舟

其三

白石引燈敲夜火綠荷包飯足朝餐秋來直愛鱸魚
美月黑風斜坐淺灘

其四

嚴子灘頭舊釣徒羊裘冉冉自來迂江山着眼皆佳
興風雪打船猶下湖

其五

月暗江村燈火明西風瑟瑟浪紋生
可堪一夜沙頭宿翠竹黃蘆無俗聲

其六

香風拂面水生波越女溪頭蕩槳多
日暮烟深望不見只將漁唱起菱歌

其七

草澗沙長春岸迴漫將柳尾貫魚腮
歸來不認江村路處處柴扉映水開

其八

烟波在在可垂綸信手那篙不問津
擯落江湖忘歲月桃花開處始知春

其九

盡道漁翁是散仙飛綸劈浪玉梭懸
人間踏地成租稅賣老江天不用錢

其十

秋深江渚蔭魚多遶岸菰蒲奈若何
記得鶩翎藏巧處一番輕槳夜來過

其十一

三石江橫一槩浮
漁師多得賣應不
年來不勞親朋
問恰好柴門送兩頭

其十二

扁舟無意飽魚蝦
買醉江頭盡日華
獨有樵青相領
畧歸來竹下供新茶

其十三

風翦汀蒲可可春
漁竿投老此生身
傷心日月隨波
去烟水無年不釣人

其十四

爲覓嘉魚來剡中
更尋香蒜檣西戎
無鹽笑殺魚蠻
子登俎翻嫌渭上翁

其十五

醉飲澄江拍斗歌
長風吹雪卷鯨波
天涯儘識漁家
味肯踏船稍拜浪婆

其十六

來往蒹葭不記年
世途無夢自安便
誰知日暮忘筌
處爲押歸禽送遠天

其十七

風迴遠浦雪花繁
水澁絲絳照眼昏
獨倚寒江清徹
骨誰憐一飯進王孫

其十八

蒹葭作舍鷺爲羣
寵辱年來兩不聞
昨夜江心釣明月
一絲銀漢動星文

秀水縣齋

野館蕭蕭曲岸西
門前落木萬株齊
愁來自點孤燈坐
又聽寒鴉一夜啼

嘲新妓

雙髻穠梳香欲流
茜衫新翦潞州綃
逢人怕吐家鄉話
故作含羞不下樓

朱爾綬以大令洛神賦來示

紫繭敷綿紙色微
榻來蟬翼墨依稀
齋頭暮有櫻桃帖
較與黃初一樣肥

送張君湛之梧州

扁舟遠泛九疑間
子竹蕭疎淚點斑
沙際石人閒不語
鴨兒灘水瀉潺潺

與王淡如夜酌

竹雨蕭蕭喜共譚
夜深蓮漏已傳三
誰言鸚鵡能酬
客一入燈花酌未酣

吹臺師索余畫卷許以玄石見酬不至詩以促之
五首

百匝梅花構隱居
只難峭石倚扶疎
亟爲栽檄山中
去亭榭毋令笑子虛

其二

花雨霏微春事闌
愚公諾我爲移山
此身便化巖頭
石風雪朝朝望不還

其三

雲根不遣愛成憎
定是芙蓉朶朶青
幾欲披圖與花
較翔空惟石自稜稜

其四

粉黛蔥蒨訝妬奇
庭梅虛左亦多時
纒嫌盤石生成
罔似乞高僧心轉移

其五

拈雨鑱雲總是禪
墨花含露灑涓涓
若爲驅鐸來庭

內片石真成拜老顛

不至以詩戲答有爽約語再成五首以促

每思疊翠夢成幽惟底山齋爾獨留解識花間難轉
意并疑搖落爲圖愁

其二

空香拂肘譜初成石快南湖水亂驚曾是五丁無力
制可能一偈鎖秋鯨

其三

曾聞說法吐青蓮竟作空花墜梵天洗眼青蘿窺絕

壁撐林一瓣舊依然

其四

雲英雪蕊故難明試問斯圖誰主盟石不點頭花解
語忍教夙約負三生

其五

大海瀾翻嘆久沉西山小石儻知心夜涼風雨交相
怨肯作雙填渤海深

石至志謝

時師有石門之行

幽壑枝峯覓故難青錢因駁虎牙攢歸來小憇茅茨

下便作廬山一樣觀

美人草 一名舞草

三分意氣未全磨 一死軍中奈爾何 夜半月明歌板動 無風猶解舞婆娑

張爾弢客燕趙 孟遷索書相通走筆賦此

流水茫茫不盡情 故人強半走燕京 媿無江上雙魚寄 悵望天邊一鴈行

倡家怨

一為相逢一為離 一回驩喜一回悲 昨宵鳳侶知誰

共明夜鴛衾共阿誰

送王君錫之蜀二首

錦江風日喜初晴 香入酴醾分外清 取醉莫尋花下露 郫筒春酒釀初成

其二

蠶市初開藥市稀 桐間小鳳出花飛 人傳五彩衣 相似為我圖將式樣歸

翦髮為劉二朝蓮四首

玉漏沉沉夜正長 閉門不語自焚香 殷勤祝髮湘簾

下試學茅山女道粧

其二

春風擾擾淚痕多
簪冷青蟲奈若何
一自吳刀摧翦
後鏡中長自憶湘螺

其三

短髮絲絲矢不忘
同心戲結兩鴛鴦
只今么鳳斜拖
處雛髻慵梳似衛娘

其四

寶髻亭亭舊出羣
銀泥數摺翦花裙
惟來爲雨陽臺

下失却巫山一段雲

春日

柳暗花明酒赭顏
片雲學練巧拖山
湖頭吟詠齋頭
夢貫得春來一日閒

雪松法師自天台徙居錢唐榜曰小天台作詩來

寄躔和十首

一粒鷗沙便卜家
衲衣新翦故山霞
谿邊我亦飯麻
客誤向春流認落花

其二

何處名山可着家
石梁飛瀑赤城霞
年來縮向錢唐
上耐看青天潑浪花

其三

小結菴羅欲寄家
閒門仍喜揆朝霞
祗憐龍樹此些
地割取天台幾頃花

其四

赤城冉冉豈師家
易得江南一席霞
因憶天桃春色
古稍從沙麓乞梅花

其五

立下芒屨卽是家
游踪到處護祥霞
江心忽灑菩提
水涌出青蓮寶座花

其六

流水行蹤不有家
偶將瓢笠寄閒霞
眼前莫訝天台
小說法能飛雲際花

其七

去卽歸空住卽家
彩霞餐盡吸青霞
江山邈漠誰常
主都付春來一切花

其八

十年台嶺未言家愛臥江天魚尾霞
點點汀沙看不異閒風吹老淨瓶花

其九

幾折長流堪徙家辰光又放掌中霞
辛勤只有馱經象裏足春濤送妙花

其十

教領天台會一家再栽銀榜揭層霞
天龍舊植吾師樹優鉢新開智者花

和雪松師小天台十景月下松關

依韻

謾謾松濤數畝寬夜涼梳影出谿難
焚香賸有禪居者明月中天戶不關

五馬仙宗

沙鳥喧呼仙杖來紛紛愁汚礪邊苔
寧知綵綬重尋處好曳桃花訪上台

蘇公舊業

徑石爛斑草自丰鐵鞵詎覓去時蹤
殷勤不改蘇公舊韻落殘陽嶺外鍾

城連野曙

漚影翔空水亂漂武林欲曙吐孤標爾時城野知無
間海氣微茫白練高

岸激海潮

作雪分風勢欲傾盤渦澎湃浪初平夢回直擬聽驚
瀑斷續琅璈簌太清

平沙銀地

銀蕊曾看大地蓮抽空瓣瓣定何年月明點檢汀沙
上布葉分花臥影千

龍潭夜光

月涌曾潭夜正中腥濤汨汨赴寒深愛看水影爭珠
影占斷蛟龍一畝宮

懺壇宣梵

一簇香燈呪梵天喃喃真語向人傳壇空鈴杳聲無
住是夜春風泣麗娟

竹谿清響

半函秋色染迦黎邈入寒流韻漸低獨有蠻娘嬌瑟
瑟隨風遜語過林西

夾道兩岸

檀溪在天台
見孫興公賦

斷岸交沙沙間山明霞隱映景相關中流謾道虵如
曲試貌檣谿九折灣

坻塲集目錄

詩

七言絕句

建業懷古四十一首

金陵岡

覆舟山

樂游苑

景陽樓

邀笛步

長命洲

梅梁殿

雞鳴埭

新林浦

破岡瀆

太子湖

勞勞亭

結綺閣

桃葉渡

華林園

丹陽路

覆杯池

夢筆驛

秦淮水

華陽洞

一人泉

落馬欄

山簡墓

下蜀港

投金瀨

焚衣街

若弼壘

長干寺

青谿宮

投書階

九日臺

丹砂溪

寶公井

招隱館

謝公墩

余家堰

太平堤

楊子江

大內城

高皇陵

北場集

會稽曾益著

七言絕句

建業懷古四十首

金陵岡

始皇鑄金
人瘞此

秦皇銷鏞肖成形瘞向鍾山喜自矜詎識腦顱開掘
後岡頭贏得喚金陵

覆舟山

在玄武湖南陳高祖與齊大戰于此

玄武湖邊水折灣一時舟覆覆舟山齊陳霸業沉波
冷賸有鷺鳧逗浦還

樂遊苑

南劉宋禊飲苑中

泉流噴薄苑花稠禊飲當年號樂遊國破亭顏谿絕
響春來荒蔓翳寒丘

景陽樓

齊武帝置鍾于上以促宮人曉粧

樓頭鍾發曉飛霜燈下宮娥起靚粧豈謂粧成鍾報
罷蟾蜍無處覓君王

邀笛步

在青谿右晉王徽之邀桓伊吹笛處

水繞青谿月繞堤梅花韻冷曉風遲王家子弟無遺
影博得桓伊一笛吹

長命洲

梁武帝遣人放魚于此

梁王佞佛苦無儔教買生魚放此洲誰解臺城仆餓

日即思延命贖無由

梅梁殿

晉謝安造新宮適有梅木浮至石頭城下取為梁畫梅花于上以表瑞

梅梁粉畫儼生成古殿猶存太傅名因憶多情城下

水曾漂一木與支傾

雞鳴埭

齊武帝早游鍾山射雉至此埭聞雞鳴

月冷塵香伎作圍臂鷹擎到雉驚飛一時荒埭雞爭唱似訴龍輿曉不歸

新林浦

一名新林港宋謝朓有新林白板橋詩唐李白云明發新林浦空吟謝朓詩

依依白板舊時嬌月映霜飛祗聞寥追昔青蓮吟賞後絕無人跡到斯橋

破岡瀆

吳赤烏中開自句容至雲陽

萬人錘鑿奏成功僅得雲陽一線通轉眼吳亡已云阻破岡羞染血流紅

太子湖

梁昭明太子植蓮處

澄湖淼淼錦田田傳是蕭郎手植蓮蓮葉乾枯郎解死蓼花留影弔湖邊

勞勞亭

吳時建李白詩云金陵勞勞送客亭

長江流水去無停送客勞勞只小亭古往今來多少淚驪歌都向此中聽

結綺閣

陳後主建令美人張麗華居之

鏡裏新粧日幾迴人間樂極轉成哀後庭一曲歌初進玉殿摧殘小閣灰

丹陽路

晉蘇峻叛陶回謂庾亮曰峻知石頭有重戍必從小丹陽南道來

丹陽小路倚江開賈客僉從此道回漫料逆奴爲難日石頭重嶮有兵來

桃葉渡

在秦淮口晉王獻之有妾名桃葉作詩送之今以名渡

大令風流亦快哉強邀桃葉渡江隈相看渺渺秦淮

水畫舸曾蒙迎接來

華林園

梁簡文帝在華林謂左右曰會心處不必在遠條然臨水便有濠濮間想

曙色熹微水氣侵濠梁何必減華林
悟來魚鳥偕忘處千古無人孰會心

覆杯池

在太初宮晉元帝以酒廢政王導諫之帝覆杯池中以爲戒

浸淫麴蘖恣游般此水要盟洵亦難
四海已同杯酒覆後人揣作沼吳看

夢筆驛

在冶亭江淹宿此夢郭璞謂曰吾有筆在可見還後爲詩絕無佳處

作賦江郎稱妙才夢中欣覩筆花開
誰人夢裏重相索一去千年夢不來

秦淮水

始皇謂有天子氣使鑿斷地脈以通大江晉王導命郭璞筮之曰淮水絕王氏滅

網縕王氣幾時鍾地脈難窮江脈通
一水繁華終不絕笙歌啞啞亂流中

華陽洞

在茅山測二
許于此得道

華陽古洞石崢嶸知倚旌陽浪得名藥竈灰寒丹火
滅淒涼惟有濕苔生

一人泉

在鍾山僅容一
勺挹之不竭

石上寒泉最淺清探來奚以一人名細聽滴滴如鳴
珮不雜齊陳歌吹聲

落馬礮

一名躍馬
礮在城南

黃金不受主人羈遇難猶能躍渡谿此日礮邊思落
馬松風如聽的盧嘶

山簡墓

在樂游
苑西

一杯澆土墓應迷落在齊梁小苑西死後興亡且休
問生前已許醉如泥

下蜀港

一名官港在上元西
百里以通蜀故名

官港委蛇夾岸迴芙蓉紅接錦江開乘風恰好揚舲

去何用遺衣下蜀來

投金瀨

在溧陽西伍員奔吳至此問女子乞壺漿已而投瀨死員不知其家投金瀨水而去

覆楚歸吳志未酬壺漿曾向女郎求
回頭女死恩難死挈取黃金付淺流

焚衣街

梁廢齊東昏侯焚異服三十六種于御街中

衣冠端儼萬方同妖服真堪付祝融
遙惜昏侯維組去羨看章掖步街中

長干寺

吳赤烏間有康居國異僧至此為奉馬建寺宋改天禧今名大報恩寺

白馬高僧特地來干雲岌岌起樓臺
隋梁宮闕遙相望却有狐狸臥艸萊

青谿宮

一名昭明宮齊武帝所生處

阿準竿旛曉入齊流虹是夜繞青谿
須臾大寶歸人去風雨時聞孺慕啼

投書階

在城西... 沉者自沉浮者自浮... 侯為豫章守人以書附曰

一紙無言抵萬金却投此階聽浮沉辛勤不學天邊
鴈繫帛秋來寄上林

九日臺

齊武帝與羣臣飲宴于此

九日登臺宴百寮臺前戲馬轉成驕只愁菖歎花開
發菊珮萸囊怨寂寥

丹砂溪

在中茅峯一名朱砂泉

春泉汨汨瀉紅流較向勾漏色更優笑殺茅家爐已
竭一山煙火動新愁

寶公井

在大市街心

石老苔香碧甃深寶公遺井大街心晨昏萬口無停
濟獨喜泉源徹至今

招隱館

在鍾山西巖南劉宋為雷次宗築

巖壑盟深未可招一茅猶喜結山椒蒲車自入華林

路幾見後書逐迅風

若弼壘

隋平陳賀若弼過江築壘于蔣山之龍尾洲

戈矛一夜下江東故壘從誇若弼功嗣是但聞嘶鐵馬簷前蕭瑟送悲風

謝公墩

在半山晉謝安所游處

只尺維揚壘尚存冶城重訪謝公墩荒丘半畝苔封盡彷彿難尋屐齒痕

余家堰

在溧水東通太湖吳闔閭伐楚開此以通糧道

河流如矢舸如飛鞭楚曾從此路歸軍過莫令驚笠澤恐逢勾卒突重圍

太平堤

在太平門外以備玄武湖水

長堤隱映大湖邊堤影湖光斷復連暇日一杯堤上飲垂楊千里聽鳴蟬

楊子江

源出泚水，今在豫章諸水自都城西南旋繞入海

大江設嶮扼重喉一水環迴萬里流風浪以時潮汐至真成天塹護神州

大內城

在京城內之西卽皇城

巍巍駿業啓洪基垂象還應法四時一自衮衣臨御後網緼春發萬年枝

高皇陵

在京城內鍾山之陽

鍾山紫氣曉龍嵒瞻有真龍睡此中日月再開羶歲滌卜云世數與天同

坻場集目錄

詩

七言絕句

和王季重比部魚燈詩四十首

坻塲集

七言絕句

和王季重比部魚燈詩四十首

會稽曾益著

雙尾飛頰火抹腮游魚如赴釜中來只愁水面乘難
去勅與龍門一道雷

其二

陶侃漁于澤得一梭掛壁間忽風
雨化龍飛去佛家名魚曰水梭花
無言煦陸止餘思暖夏光芒射室來豈是水梭工跳

擲愛看一夜鼓風雷

其三

金刀誰與劈雙腮
祗是谿藤束影來
嚙嚼幾宵風不定
祝融愁惹旱空雷

其四

懶婦魚燃其膏照
紡績暗照酒食明

嫣然媚色點紅腮
照飲明過懶婦來
不識脂骨燃盡處
猶能奮鬣響江雷

其五

神魚如得假龍腮
信口崩騰吐焰來
咫尺朱天欲飛去
不教桃浪滾成雷

其六

良宵無處覓香腮
惟底羣鯨鼓翅來
我欲焚魚訴天帝
直從赧府檄朝雷

其七

飛魚赤文食
之不畏雷

赤文無恙炳飛腮
五尺高檐涌月來
焉得登筵供晚食
幾宵應不畏雌雷

其八

上元作角抵之戲禰衡于
是夕為魏武作漁陽過鼓

閒魚角戲喜張腮
泃泃玄黃血灑來
無奈傍人爭一
勝漁陽狂鼓夜
搗雷

其九

轍底窮魚湧鼓腮
暫為魚服駕風來
鰲頭未許些人
占注耳春空第一雷

其十

一束殘骸具四腮
是誰活火試烹來
揣應左氏盤中
物西蒜南薑擣若雷

其十一

熒熒夜色透殷腮
此種疑從丙穴來
不信且看游動
處火輪閒引一天雷

其十二

嘴額塗丹紫噴腮
照天詎數燭龍來
六街踴躍明于
晝是夜香車鬧勝雷

其十三

骨雷魚

別名

不作浮沉水上腮
噓霞吸月漫游來
遲回我亦知魚
樂肯向江天問
骨雷

其十四

憑空且莫笑枯腮
雙目如珠掣電來
此夜流光渾不
減巧將爆竹借爲雷

其十五

文明后幸溫泉得魚以金鎖
穿腮放池中忽雷電化虹去

黃金鎖子慣穿腮
化作飛虹一道來
笙鼓喧闐人似
蟻溫泉宮裏沸如雷



